

MUKANDA A SATU WAKAFUNDI

JOANI

Diui le Ngayo

1 Ekumanyi ambufundela ulangimi Ngayo lalangami lu mete.

Ambolomba Dia Ndi Nduwana

2 Ulangimi ami, dimi lambukolombela dia we nduwana lu akambu tshe, ndu dia we ndjala la wulu lu dimba, uku wuluwanyi utema aye. 3 Dimi lakangenangena utamanya, lam'akayi anyasu, ndu lam'akawayumvutela dia akambu wa mete wa lumu laye, uku akendakendaye lu mete. 4 Dimi kema la ongenongeno ukina wuleki one, dia mbuka nti: An'ami watokendakendaka lu mete.

Dia Nkimanyia Angendangenda

5 Ulangimi ami, we ambutsha ulimu wa kolamelu lam'akimanyiaye anyasu, djekeleka ku dia angendangenda. 6 Vo watutelaka antu dia ngandji kaye la ntundu ka Ekelezia. We ayutsha ololo dia mbatuma lu lokendo lawo uku alanga Unyashungu. 7 Ne dia vo wakadiangana dia Lukumbu, vo kunungula diango uma le asi wedja. 8 Okone dieli la su dia mbalungula la ongenongeno, dia shu ndjala ekambi kame la wo lu akambu wa mete.

Diyoterefe, Kanga Utaku la Kandjema

9 Dimi lakafundela Ekelezia akambu efula, keli Diyoterefe, latulangaka ndjala ladiku diawo, hetawo aui ami. 10 Okone, naka dimi lambuya, layunyuhula akambu watundutshaka, ndu aui wa kolo watundoteketaka le mi. Ndi ndame hangenangena dia ntsha dikambu dia wuhu one. Ndi ntunaka dia nungula anyasu, ku ndi nshimbaka wane walanga mbâlungula, ndu mbatundjaka uma l'Ekelezia.

Ololo wa Demeteriyo

11 Ulangimi ami, tukuyaki kolo, keli ukuyaki ololo! One latutshaka ololo, eko la Unyashungu. One latutshaka kolo, atenyi Unyashungu. 12 Antu tshe mvutaka dia Demeteriyo; akambu wa mete mbatuwutaka. Ndu dimi lambuta dikambu diandi. We mbeyaka wati: Aui ami mete kewo.

13 Dimi laki la akambu efula wa nkufundela, keli halangi nkufundela l'ashi a mukanda la lukala. 14 Dimi lambulungamela dia nkena esadi, dia shu mvutanela akambu lu elundji l'elundji.

Diui Di'Etshokwelo, la Diui Dia Moyo

15 Ki kayali la ye! Engenyi wakutumela moyo. Usha engenyi moyo, untu l'untu l'atei awo.